



[www.BibleForChildren.org](http://www.BibleForChildren.org)




Jon 14



"Alimiou goma tokumi. Hamana uaiam tere Sunahan na i tar. A makum e gono tara luma tere Tamar, na lia e la silegu tegona hamatskö mam menai a man makum i tamilimiou. Te goma mana uaien ba lia tema antunan hatei ragilimiou tegona kato taatago mei lia a man makum i tamilimiou."



Alia e la silegu tegona hamatskö mam menai a man  
makum i tamilimiou, ba lia tena la pouts guma romana  
batemi lu ragou limiou bara tena ka gono ria tara  
makum tena ka goua lia.



Alia e Jon, a hahatoulana i tamilimiou turu katuun  
te hamana ria tere Iesu. Alia e sagoho hasegu a  
kamits te sagohe milimiou, ba ra te pile



hakarapoto ria tara  
Nipepeito tere Iesu.




Alia i kitse iou mena hake ria tara tolo te ngöeri i  
Patmos, tu hihatuts naia lia u raranga tere  
Sunahan na manka a man mana te



harötein e Iesu.




Na nonei tara tsi pöata puku has u Namnamei tere  
Sunahan e kaia i tar. Ba lia e taregu u töa u gumgum u  
göagono i Kolö na e Sunahan te gum ia i tanen.



Ba lia e hengoegu a mamananaka i Kolö na i puta na i han  
turu mate na i tasi, a mamananaka hoboto i hets bate  
poeier, "E Sunahan te gumna turu  
gumgum u göagono na Tunan  
Sipsip e ka mena a nitsunono pan.  
A mamananaka hoboto egi haniga uu  
i taren bate hapan raren bate  
solosei raren!"



Ba lia e taregu a Taun a Göagono, a Jerusalem a  
tsimus, bate koul nama i Kolö te kana e Sunahan.  
Nonei e tara haniga here ii a tahol te hitöl mena a  
tson i tanen bate haseiena a man hasobö a man niga.  
Ba lia e hengoegu u ranga pan te butuma turu gungum  
u göagono me  
poeiena, "Tara  
iam. E Sunahan  
e ka gono tala  
meraiena u katuun  
i tanen. Nori e pala  
uariou tere Sunahan  
na nonei e Sunahan  
uanou i taren."






Ba angelo e hatare nei lia a ramun olona tara  
nitöatöa. Nonei e kankanaha na e tara butu here ii u  
galas u niga na e oloma turu gungum u göagono tere  
Sunahan na tara Tunan Sipsip.



Na e möa ta pitala na ta tsihou tegi piri uu tara taun teka. Taraha? U ualesala tere Sunahan e piri nitöana, na u lam i tanen a Tunan Sipsip.




Kaba a katuun a katokato homi na gamogamo tsi ta  
töa ta ka ta omi ema antunan tasu noi romana. U  
katuun peisa a soloren  
ti koloto hakapa raia  
iahana u bukuna tara  
nitöatöa tara Tunan  
Sipsip te tatei tasu  
riou.




“Ba nonei te hasokolei ranouen. E möa lel ta tou mate na ta nitaatagi na tu tabe na tu kamits. A nikaka mam e tia hakapa.”




E möa nou tu hamal tara taun teka. U gungum u göagono tere Sunahan na tara Tunan Sipsip e ka noua tara taun teka, na u katunun kui i tanen e hatsunone rouen. Nori e tare riou a matanen, na solonen e ka noua i poleren.



Na lia u tara hasi u mate ti tuol ia i matana u gungum  
u göagono, na u katuun papala na u katuun pan has. Ba  
man buku e palateier. Na u tana u buku i palata hasi,  
u bukuna tara nitöatöa. Ba u mate e kout merari a  
manka ti koloto naia tara man buku, a  
manka ti katoe men i puta. Ba u katuun  
a soloren tima koloto rai turu  
bukuna tara nitöatöa  
e lapo raria iahana  
kiou te saputi  
u tula.



U Namnamei tere Sunahan e poeiena, "Lama!" Na hun  
katuun tere Iesu te hereri a tahol te katsin hitöluna  
e poeier, "Lama!" Na esi te hengoena a ka teka ega  
pei hasi, "Lama!" La muma, u katuun hoboto te makar.  
Eresi te ngilin uar emi tatei ueier u ramununa tara  
nitöatöa te  
möa ta  
hihol.



E Sunahan e taatagi sil koru rema u  
katuun hoboto me hala nenama a töa  
koru a Pien Tson i tanen. Na katuun  
te hamana uana i tanen ema antunan  
tia noi romana kaba ena ka  
menou a nitöatöa te  
ka nitöana.





Rom 3:23 U katuun hoboto i kato homi na ema antunaria tara mar katuun te ngilena e Sunahan.

Rom 6:23 Tara markato a omi a hihol i tanen a tou mate. Kaba e Sunahan e hala sila nena a nitöatöa te ka nitöana tere Iesu Kristo a Tsunono i tarara.

Hibru 9:27 U katuun hoboto e ka meier a man tötöa man pöata tena mate merouen, ba i murinen be Sunahan tena ona ranouen.

Epesis 2:8,9 E Sunahan e lu pouts merai ra tara nihihitaatagi peisa i tanen turu nihamana i tarara. A ka teka ema butu mei a toukui i tarara. E möa. E Sunahan e hala pukpuku raienra. Ara ima kui sile ii a ka teka. Te markato uanen teka bara tema tatei hala seie rei a solorara.



Rom 10:9,10 E kato uana teka: te ranga hatei mia limiou i rungu milimiou te Tsunono uana e Iesu, na te hamanena a torimilimiou e Sunahan e hatakei poutsi e Iesu tara tou mate, be Sunahan te lu pouts ranou limiou. Taraha, te hamana mia limiou i torimilimiou, be Sunahan te kato hamatskö rena limiou i matanen. Te ranga hatei namia limiou a ka te hamana uami limiou, be Sunahan te lu pouts ranou limiou.

Jon 3:16,17 E Sunahan e taatagi sil koru rema u katuun hoboto me hala nenama a töa koru a Pien Tson i tanen. Na katuun te hamana uana i tanen ema antunan tia noi romana kaba ena ka menou a nitöatöa te ka nitöana. E Sunahan ema hala sile mei a Pien Tson i tanen i puta gomi koutir u katuun. E möa. Nonei e hala sile meien gomi taguhir u katuun.



## 1 Jon 5:11-13

Na nonei a ka teka te hatei raneira e Sunahan: e Sunahan e hala raira a nitöatöa te ka nitöana, na nitöatöa teka e kana tara Pien Tson i tanen.

A katuun te ka gono mena a Pien Tson tere Sunahan nonei e ka has mena a nitöatöa teka. Na katuun tema ka gono menei a Pien Tson tere Sunahan nonei ema ka has menei a nitöatöa teka.

Alia e koloto menagi a manka teka i tamilimiou u katuun te hamana mia tara Pien Tson tere Sunahan, taraha alia e ngilegu alimiou ego atei haniga sileiam te ka mena milimiou a nitöatöa te ka nitöana.



Jon 14; 2 Korin 5; Revelesin 4, 21, 22

Storyline by: Edward D. Hughes

Illustrated by: M. Maillot  
and Alastair Paterson

Adapted by: E. Frischbutter; Sarah S.

Halia Bible (hla) © (Active) Wycliffe Bible Translators,  
Inc. All rights reserved.

<https://live.bible.is/bible/HLAPNG/MAT/1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

